



Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), člana 25. Statuta Općine Centar Sarajevo, Odluke o izvršavanju Budžeta Općine Centar Sarajevo za 2022. godinu („Službene novine Kantona Sarajevo“, br. 10/21), Zakona o unutrašnjoj trgovini FBiH ("Službene novine Federacije BiH", br. 40/2010 i 79/2017) i Pravilnika o uslovima i načinu dodjele finansijskih sredstava namijenjenih za podršku poslovanja fizičkih lica koji obavljaju trgovačku djelatnost (trgovina na malo ličnim radom - trgovac pojedinac) na području Općine Centar Sarajevo (br. 11/B-11-6884/22 od 06.10.2022. godine. godine), Općinski načelnik o b j a v l j u j e:

JAVNI POZIV

za dodjelu finansijskih sredstava namijenjenih podršci poslovanja fizičkih lica koji obavljaju trgovačku djelatnost (trgovina na malo ličnim radom - trgovac pojedinac) na području Općine Centar Sarajevo za 2022. godinu

I PREDMET POZIVA

Predmet Javnog poziva je prikupljanje zahtjeva i dodjela finansijskih sredstava namijenjenih za podršku poslovanja fizičkih lica koji obavljaju trgovačku djelatnost (trgovina na malo ličnim radom - trgovac pojedinac) na području Općine Centar Sarajevo. Finansijska sredstva će biti dodijeljena u skladu sa raspoloživim sredstvima Budžeta Općine Centar Sarajevo u iznosu do 400,00 KM po prijavi.

II CILJ POZIVA I NAMJENA SREDSTAVA

Cilj Javnog poziva je realizacija mjera finansijske podrške poslovanja fizičkih lica koji obavljaju trgovačku djelatnost (trgovina na malo ličnim radom - trgovac pojedinac) na području Općine Centar Sarajevo. Finansijska sredstva, predviđena Javnim pozivom, namijenjena su za:

- a) Nabavku sirovina, repromaterijala, promociju djelatnosti, proizvoda i usluga;
- b) Plaćanje dospjelih obaveza (PIO/MIO, Zdravstveno osiguranje uposlenih, zakup poslovnog prostora);
- c) Druge aktivnosti vezane za održivost i razvoj djelatnosti.

III PRAVO UČEŠĆA I KRITERIJI

Pravo učešća na Javnom pozivu imaju fizička lica koji obavljaju trgovačku djelatnost i koji ispunjavaju slijedeće opće kriterije:

- a) da je djelatnost registrovana kao trgovina na malo ličnim radom - trgovac pojedinac, a u skladu sa Zakonom o unutrašnjoj trgovini FBiH ("Službene novine Federacije BiH", br. 40/2010 i 79/2017) na području Općine Centar Sarajevo

- b) da imaju otvoren i aktivan račun u banci, koji se vodi na ime registrovane djelatnosti i da je sjedište djelatnosti registrirano na području Općine Centar Sarajevo;
- c) da je djelatnost registrirana, najkasnije, do dana objave Javnog poziva;
- d) da je djelatnost registrirana kao osnovno zanimanje;
- e) da su obaveze prema Općini Centar Sarajevo i dobijena sredstva po prethodnim Javnim pozivima/Programima/Projektima izmirena;

IV SADRŽAJ POTREBNE DOKUMENTACIJE

Uz popunjen Prijavni obrazac, obavezno je priložiti:

- a) **Potvrdu o otvorenom i aktivnom računu kod banke, koji se vodi na ime registrovane djelatnosti (originalni dokument ne stariji od 30 dana).**

Prijavni obrazac možete preuzeti na slijedećem linku: <http://www.centar.ba/stranica/javni-pozivi-konkursi-i-oglasi>

V NAČIN I ROK PODNOŠENJA ZAHTJEVA

Zahtjevi /prijave se podnose u zatvorenoj koverti direktno na protokol Općine Centar ili preporučeno putem pošte na adresu:

Općina Centar Sarajevo
Služba za LER i mjesnu samoupravu
Mis Irbina 1
71000 Sarajevo

Javni poziv za dodjelu finansijskih sredstava namijenjenih podršci poslovanja fizičkih lica koji obavljaju trgovačku djelatnost (trgovina na malo ličnim radom - trgovac pojedinac) na području Općine Centar Sarajevo za 2022. godinu

Na poleđini koverta obavezno se navodi: ime i prezime aplikanta, naziv djelatnosti, adresa djelatnosti, kontakt telefon i ovjerava se pečatom djelatnosti.

Javni poziv otvoren je od 11.10.2022. godine do 20.10.2022. godine.

Zahtjevi/prijave primljene nakon isteka roka neće biti razmatrani.

VI OSTALE ODREDBE

U postupku po Javnom pozivu Općina Centar Sarajevo ne snosi nikakve troškove učesnika Javnog poziva. Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Prispjela dokumentacija se ne vraća podnosiocu.

Sve dodatne informacije vezane za Javni poziv mogu se dobiti svakim radnim danom putem telefona: 033/223-269, 033/562-468 i 033/562-389.

OPŠTINSKI NAČELNIK

Srđan Mandić